



# RUDAR

DECEMBAR 2016. / LIST RMU "BANOVICI"

BESPLATAN PRIMJERAK

## SRETNO

*u novoj 2017. godini*

ODRŽANA OSNIVAČKA SKUPŠTINA TTU „ENERGETIK“ d.o.o. TUZLA



BR. 79

21. DECEMBAR DAN RUDARA BiH  
SVEČANA SJEDNICA NADZORNOG ODBORA I UPRAVE DRUŠTV



LAUREATI 2016. GODINE  
NAGRAĐEN 61 UPOSLENIK



[www.rmub.ba](http://www.rmub.ba)

SVEČANA SJEDNICA NADZORNOG ODBORA, UPRAVE DRUŠTVA I SINDIKALNE ORGANIZACIJE RUDNIKA

# OKONČANA JOŠ JEDNA USPIJEŠNA POSLOVNA GODINA



Na svečanoj sjednici organizovanoj povodom 21. decembra Dana rudara BiH uz prisustvo brojnih zvaničnika upućene su iskrene čestitke rudarima širom BiH, posebno rudarima zaposlenim u RMU „Banovići“. Rudnik je imao i poseban motiv za slavlje obzirom da je dočekaio 70 godina postojanja. Na poklon Rudniku za 70-ti rođendan stigla je i monografija u kojoj su ukratko ispisane sve godine uspona i padova, te istaknute najznačajnije ličnosti zaslužne za razvoj preduzeća.

Kada je u pitanju poslovanje Rudnik je i ove godine ispunio zacrtane planove na iskopu uglja i realizaciji otkrivke, kao i finansijske planove, što je na svečanosti potvrdio i direktor Društva dr. Munever Čerčić.

- Što se tiče poslovanja u 2016. godini Rudnik će ispuniti svoje planove i na uglju i na otkrivci, što će se ujedno odraziti i na pozitivan finansijski rezultat. U prilog ovim rezultatima idu i investiranja koja u ovoj godini iznose oko 8 miliona KM, dok je u proteklih dvanaest godina investirano čak 150 miliona KM. Kroz 70 godina ovaj kolektiv prošao je kroz različite oblike organizovanja, ali od 2001. godine se nalazi na

uzlaznoj putanji bilježeći poslovne rezultate koji su ga svrstali na sami vrh piramide iz oblasti rudarstva, naveo je Čerčić.

Spomenuo je i provođenje aktivnosti vezane za izgradnju Termoelektrane u Banovićima rekavši da su u toku pregovori sa kineskom bankom oko potpisivanja ugovora o finansiranju projekta koji bi se trebao realizovati tokom narednih mjeseci. Nakon



potpisivanja ugovora o finansiranju može se krenuti sa implementacijom EPC ugovora, te izgradnjom Termoelektrane u Banovićima.

Na ovaj poseban rudarski dan čestitke je uputio i premijer Tuzlanskog kantona Bego Gutić, poručivši banovčkim rudarima da je rudnik „Banovići“ strateški rudnik ne samo za općinu Banovići i kanton, nego za cijelu BiH, kao i da Rudnici u BiH temelj su elektroenergetskog sektora.

Radnici Rudnika svoj dan su dočekali zadovoljni stanjem u firmi obzirom da svi parametri i rezultati pokazuju da ovo preduzeće doživljava ekspanziju i dugoročno planirane aktivnosti imaju sve realnije izgleda.

Status radnika ovdje se itekako poštuje. U ovom preduzeću nema neuplaćenih doprinosa i zaostalih plata. Svake godine redovno se uplaćuje regres, višak, kao i stimulacija za najbolje radnike tokom godine. Pozitivni rezultati svakako su dobra stimulacija, ali plakete i novčane nagrade ipak su motiv više. S tim u vezi, na svečanosti su dodijeljene i nagrade za šest zaslužnih članova Društva, dok su za nesebičan doprinos u radu i razvoju Rudnika nagradu dobila 54 zaposlenika.

Nagrade za 12 uposlenika ove godine dodijelio je i Sindikat rudara rudnika „Banovići“, koje je uručio predsjednik Samostalnog sindikata rudara FBiH dr. Safer Mušanović.



U sklopu sjednice priređen je bogat kulturno - zabavni program, pjevalo se, recitovalo i glumilo u čast banovičkih rudara. Riječ rudar duboko je utkan u umove svih generacija ovog grada što su nam pokazali i oni najmlađi koji su svojim osimšljenim izvedbama o rudarima probudili posebne emocije kod prisutnih. Po završetku sjednice odata je počast i položeni vijenci na spomen-obilježja šehidima i poginulim borcima ispred Radničkog doma.



Prvi put u historiji Rudnika dodjeljena je posebna Decembarska nagrada, najveće priznanje za nesebičan rad, afirmaciju i doprinos Rudniku. Nagradu je dobio dugogodišnji lider i borac za opstanak Rudnika dr. Mirsad Kukić. Obzirom da gospodin Kukić nije bio u mogućnosti prisustvovati sjednici, nagradu je preuzeo njegov sin Ibrahim Kukić.



LAUREATI 2016. GODINE

# NAGRADE I ZAHVALNICE ZA 61. RADNIKA DRUŠTVA

Na Svečanoj sjednici povodom 21. decembra Dana rudara BiH ove godine dodijeljena su priznanja za 61. uposlenika.

Priznanja dobitnicima za zaslužne članove Društva uručio je dr. Munever Čerđić direktor Društva, dok je Plakete za doprinos u radu ovogodišnjim laureatima dodijelio mr. Emin Haračić predsjednik Nadzornog odbora Rudnika.

Prestižnu plaketu za zaslužnog člana Društva ove godine dobili su: Šarić (Jusuf) Zijad, Dostović (Faruk) Dževad, Nurković (Salih) Zuhdija, Demirović (Šaban) Suljo, Demirović (Nail) Ibrahim i Dostović Rasim.

Plaketu za doprinos u radu na temelju prijedloga rukovodioca pogona „Podzemna eksploatacija uglja“ i Odluke Stručne komisije dobili su: Lapandić (Zulfer) Admir, Haskić (Fikret) Mersudin, Omerčić (Muhamed) Nedim, Karahodžić (Emin) Mirzet, Šarić

(Zulfer) Nedžad, Turić (Šahim) Nermin, Begić (Hasan) Fadil, Mušić (Redžo) Sulejman, Šehić (Nezir) Nihad, Zorić (Osman) Enes, Kukić (Fejzo) Meksud.

Laureati pogona „Površinska eksploatacija uglja“ su: Rahmanović (Đulaga) Esed, Pirić (Ramiz) Refko, Mostarlić (Enes) Mujaga, Agić (Alija) Emin, Varešević (Nazif) Hašim, Demirović (Nuraga) Sead, Jalmanović (Emin) Amira, Šahbazović (Redžo) Sulejman, Brčaninović (Rasim) Muharem, Kahrimanović (Sabrija) Nedžad, Dostović (Salko) Mirsad, Kurtić (Šefik) Mirzad, Husić (Muhamed) Mirsad, Lačić (Đulaga) Mirsad, Modrić (Hasan) Husein, Suljanović (Mujo) Sead, Husagić (Mustafa) Senudin, Lapandić (Mehmed) Rasim, Sejdinović (Hasan) Salem.

Ove godine na pogonu „Separacija“ za nesebično zalaganje i doprinos u radu priznanje su dobili: Memagić (Smajo) Muharem, Rizvić (Ahmet) Džemal, Delić (Jusuf) Enes, Đerzić (Kasim) Senad, Bebaković (Alija) Hazim, Husić (Bajro) Ibrahim, Husić (Huso) Hajrudin, Livadić (Hamza) Nihada, Mehić (Avdija) Mušan.

Plaketu su dobili i radnici „Željezničkog transporta“, i to: Duraković (Smail) Rifet, Demirović (Ibrahim) Nezir, Kudumović (Gane) Lutvija, Vrbić (Ibrahim) Esad, Avdić (Fehrat) Nermin.

Iz pogona „Standard i usluge“ priznanja su dobili: Demirović Mensud, Durić Adil i Ljaljić Šuhreta.

Svoje laureate i ove godine imali su i uposlenici „Direkcije“: Sejdinović Nedžad, Čerđić Senahid, Arnautović Nezir, Mujić Razija, Mujkić Fikreta, Kahrimanović Azra, Brigić Fazila i Nurković Sead.



ODRŽANA OSNIVAČKA SKUPŠTINA TTU „ENERGETIK“ D.O.O. TUZLA

# ZAVRŠENA LICITACIJA DIJELA TTU-A

RMU „Banovići“ d.d. Banovići i JP „Elektroprivreda BiH“ d.d. Sarajevo zvanični su vlasnici jednog dijela TTU-a. U četvrtak 22. decembra završena je licitacija i time stvoreni realni uslovi za početak rada novog preduzeća.

U prostorijama Termoelektrane Tuzla 05. decembra održana je osnivačka Skupština TTU „Energetik“ d.o.o. Tuzla. Sjednicom je predsjedavao dr. Nevad Ikanović izvršni direktor za proizvodnju Elektroprivrede BiH.

Skupština je imenovala organe upravljanja, usvojila Statut, Poslovnik o radu Skupštine, Odluku o određivanju naknada članovima Nadzornog odbora, te Odluku o imenovanju Nadzornog odbora.

Za članove Nadzornog odbora ispred JP „Elektroprivreda BiH“ d.d. Sarajevo imenovani su Nijaz Čustović i dr. Kemal Gutić, dok je ispred RMU „Banovići“ d.d. Banovići imenovan Fertik Glibanović.

Nakon imenovanja održana je i konstituirajuća sjednica Nadzornog odbora na kojoj je izabran predsjednik Nijaz Čustović, te donešena Odluka o kriterijima za utvrđivanje plata i drugih materijalnih prava članova Uprave, kao i Odluka o imenovanju mr. Almira Zulića za direktora Društva, mr. Mustafe Avdića za izvršnog direktora za tehničke poslove, te Razije Begić za izvršnu direktoricu za funkciju potpore.

Uloženi su maksimalni naponi da se steknu uslovi za održavanje prve sjednice ali i nesmetanog kretanja u rad TTU „Energetik“-a već početkom naredne godine.



Na prvoj sjednici Nadzorni odbor dao je saglasnost za Poslovnik o radu Uprave, te usvojio Poslovnik o radu preduzeća.

Rukovodstvo Rudnika i Elektroprivrede većinu posla priveli su kraju. Formirani su organi upravljanja, završena licitacija, a do kraja mjeseca okončat će se uplata sredstava. Elektroprivreda u osnivanje Društva ulazi sa 80%, odnosno 6,64 miliona KM, dok će Rudnik za procenat od 20% vlasništva do kraja godine uplatiti 1,66 miliona KM.

Nakon što se ustanovi pravosnažnost sudskog rješenja očekuje se da će od 01. januara 2017. godine TTU „Energetik“ zvanično početi sa radom. Poslove bez javnog natječaja obezbijedit će Elektroprivreda, a biće stvorena mogućnost učestvovanja na javnim tenderima Rudnika i drugih kompanija.

Nakon određivanja sistematizacije poslova biće objavljen javni konkurs za prijem radnika u TTU „Energetik“.



PROIZVODNJA UGLJA I OTKRIVKE

# KONTINUIRANI PREBAČAJI PROIZVODNIH PLANOVA

Već 11 godina za redom Rudnik bilježi ispunjenje planova na proizvodnji uglja i otkrivke na godišnjem nivou. Izuzetak nije ni 2016. godina u kojoj će prekoplanski rezultati na proizvodnji uglja osigurati značajnije finansijske rezultate, koji će do kraja godine zasigurno ići iznad planiranih vrijednosti.

Nakon rezimiranja stanja u Rudniku tokom cijele godine može se konstatovati da nije bilo veće problematike po pogonima, odnosno problematike koja bi ugrozila kontinuitet poslovanja na koji smo već navikli. Remonti i opravke odvijali su se u dobro isplaniranom vremenu u kojem zastoji nisu uticali na ostvarenje zacrtanih planova.

U mjesecu novembru ponovljeni su pozitivni rezultati kada su svi finansijski i proizvodni zaostaci sustignuti. Proizvodnja uglja ostvarena je sa 139.551 tona, dok je realizacija otkrivke išla čak 24% preko plana.

Decembar je takođe prošao po najavama izvršnog direktora za tehničke poslove dr. Ibrahima Lapandića, koji je mnogo ranije predvidio da će se planovi na proizvodnji ostvariti ali i prebaciti. Dokaz tome je i 25 dana mjeseca decembra kada je proizvedeno 126.305 tona separisanog uglja i ostvareno 145% metara kubnih otkrivke.

O stanju u Rudniku i ostvarenim rezultatima govorili su rukovodioci proizvodnih pogona, ali i iskoristili priliku da svojim komorovima i svim rudarima u BiH čestitaju 21. decembar Dan rudara BiH.

## VAHIDIN AGANOVIĆ, TEHNIČKI RUKOVODILAC „PODZEMNE EKSPLOATACIJE UGLJA”

### 1. *Obzirom da je 2016. godina na izmaku kakvi su ostvareni rezultati i urađeni poslovi u pogonu „Podzemna eksploatacija uglja“?*

Mogu reći da sam zadovoljan postignutim rezultatima u 2016 godini. Ostvareni su planovi na izradi novih prostorija, rekonstrukciji cijelih ali i dijelova postojećih prostorija, kao i radovi koji nisu direktno vezani za proizvodni proces. Nakon dobro obavljenih poslova neizostavni su i zadovoljavajući rezultati na proizvodnji uglja. Proizvedeno je nešto iznad 460.000

tona rovnog uglja što je na nivou prošlogodišnje proizvodnje.

Bitno je navesti da je nakon kupovine kompleksa mehanizovanog širokog čela tokom ove godine prvi put dostignuta ali i prebačena dinamika planirane proizvodnje.

### 2. *Da li je došlo do realizacije najavljenih investicija za tekuću godinu?*

Ranije smo najavili nabavku kombajna za izradu jamskih prostorija, četiri grabuljasta i dva trakasta transportera. Dio opreme je već stigao, dok će ostatak biti isporučen do Nove godine. Ovom investicijom ćemo u potpunosti mehanizovati radove na izradi jamskih prostorija i uspostaviti novu liniju transporta što će nam omogućiti pripremanje otkopnih polja sa dvije napadne tačke. Značajno je i to što ćemo postojeću liniju transporta prebaciti u revir sjever i time osigurati nastavak istražnih radova.

### 3. *Kakve su planirane aktivnosti za narednu godinu?*

Već je poznato da postojeća proizvodnja uglja iz jamske eksploatacije ne zadovoljava potrebe RMU „Banovići“, tako da u narednoj godini ali i godinama koje slijede moramo ostvariti određeni kontinuitet nabavke nove opreme, kao i izvršenje niza pripremnih radova kako bi omogućili nesmetan rast proizvodnje na duži vremenski period.



## ŠEHVAJ LAPANDIĆ, ZAMJENIK TEHNIČKOG RUKOVODIOCA „POVRŠINSKE EKSPLOATACIJE UGLJA“

### 1. *Obzirom da je 2016. godina na izmaku kakvi su ostvareni rezultati i urađeni poslovi u pogonu „Površinska eksploatacija uglja“?*

Sumiranjem dosadašnjih rezultata proizvodnje uglja i otkrivke na pogonu „Površinska eksploatacija uglja“ jasno se vidi da nije bilo značajnije problematike tokom godine. Bilježeni su prebačaji u svim proizvodnim segmentima. Tako da je već polovinom decembra ostvareno oko 41% prebačaja na realizaciji otkrivke, ali i 36% iznad planiranih količina proizvodnje uglja.

Tokom godine rađeni su i određeni remont i opravke. Jedna od većih intervencija bila je opravka kružne kupole bagara Terex 2, koju su radnici ovog pogona završili za oko 23 radna dana. Stanje na pomoćnoj mehanizaciji je dobro. Raspoloživi su svi bageri, kao i 25 damper kamiona što daje realnu mogućnost da decembar završi sa prebačajima na nivou „Površinske eksploatacije uglja“, a ako je suditi po dosadašnjim rezultatima, i na nivou Rudnika.

### 2. *Kakve su planirane aktivnosti za narednu godinu?*

Već početkom naredne godine nastaviti će se sa nabavkom i investiranjem u ovaj pogon. Očekuje se isporuka dva buldozera Libhera, kao i završetak procedure oko nabavke novog bagera, čime će se upotpuniti mehanizacija i povećati produktivnost proizvodnje za naredni period.

Nastojat ćemo održati ali i povećati nivo proizvodnje uglja i otkrivke, ostvariti planove kojima ćemo doprinijeti razvoju preduzeća u skorijoj budućnosti.



## SALKO GUTIĆ, TEHNIČKI RUKOVODILAC POGONA „SEPARACIJA“

### 1. *Obzirom da je 2016. godina na izmaku kakvi su ostvareni rezultati i urađeni poslovi u pogonu „Separacija“?*

Što se tiče tekuće godine mogu reći da je bilo određene problematike u ljetnom periodu, ali kako vidimo iz ostvarenih rezultata nije narušeno pozitivno

poslovanje Rudnika niti ispunjenje planiranog plasmana. Od ljeta pa sve do decembra uglavnom ostvarujemo proizvodnju iznad dnevnih planova. Nastojali smo sanirati sva kritična mjesta koja bi nam mogla praviti probleme i ovaj put odgovoriti svim postavljenim zadacima.

Pored standardnih poslova vezanih za proizvodnju uglja, te otklanjanja kvarova na sistemu separisanja uspjeli smo djelimično urediti i vizuelni izgled pogona. Završili smo poslove čišćenja kolosijeka, platoa Separacije, depoa, te uredili ograde oko pogona. Bitno je spomenuti da smo u zadnjih nekoliko godina riješili problem zagađenja okoliša. U saradnji sa „Željezničkim transportom“ vršili smo remonte i opravke sistema za prečišćavanje, te ga održavali u stalnoj funkciji. Takođe smo smanjili i potrošnju industrijske vode za tri puta, a time i potrošnju flokulanata.

Zimu i otežane uslove rada dočekali smo potpuno spremni.

### 2. *Kakve su planirane aktivnosti za narednu godinu?*

Za narednu godinu planirani su nešto veći zastoji i remoti kojima bi se trebalo osigurati dobro stanje pogona.

Poseban akcenat stavio bih na dio suhog odsijavanja i pripreme rovnog uglja koji ćemo nakon nekoliko godina ponovo staviti u funkciju. Osposobit ćemo bunkere sa gumenim transporterima i izgrtačima rovnog uglja, čime će biti omogućeno da se zajedno sa istovarom uglja vrše remont i potrebni zastoji. Ukoliko nesmetano okončamo planirane aktivnosti sa sigurnošću mogu reći da će pogon „Separacija“ biti spreman za najavljenju povećanu proizvodnju uglja.

Planirano je i pokretanje kapitalnih investicija koje se odnose na nabavku mašine taložnice za krupne klase, jednog rezonantnog sita na suhom odsijavanju, te nabavke vage. Investiranje u ove segmente je jako bitno prije svega zbog funkcionalnosti pogona.



ISPRAĆAJ PENZIONERA RUDNIKA BANOVIĆI

# PENZIONISANO 87 RADNIKA

Tradicionalni ispraćaj penzionera rudnika Banovići i ove godine upriličen je u sklopu programa obilježavanja 21. decembra Dana rudara BiH. Ovoga puta u penziju je ispraćeno 87 radnika. Na jednom mjestu ponovo su se sastali radnici svih pogona koji su tokom ove godine stekli uslove za penzionisanje.

Emir Rahmanović, predsjednik komisije za ispraćaj penzionera, na svečanosti je pozdravio dojučerašnje komorate i čestitao im zasluženi odlazak u penziju, u svoje ime i u ime Uprave Rudnika.

Obzirom da je svečani ispraćaj penzionera u Rudniku postao tradicija, tradicionalni su bili i dodijeljeni pokloni. Sat i rudarski štap dobili su kao dugoročni podsjetnik na Rudnik i minuli radni vijek.

Donedavno aktivni radnici, a sada penzioneri nisu krili emocije, kako kažu teško je promijeniti naviku koja traje četrdeset godina. Niko od njih još ne poznaje život bez svakodnevne obaveze, te je potrebno izvjesno vrijeme da se na to priviknu.



Brkić Sejfulah svoj radni vijek proveo je u jami „Omazići”, odlazak u penziju doživio je na najljepši način, ali kako kaže još se nije privikao. Nedostaju mu kolege komorati i svakodnevno druženje s njima. Po odlasku u penziju ne miruje, bavi se poljoprivredom, pomalo građevinom, jednostavno traži način kako upotpuniti dan.



Kroz suze se početka radnog vijeka sjetila i Nesiba Omerović i davne 1977. godine koja je s njene tačke gledišta bila tako skoro. U penziju odlazi dobrog zdravlja, sa lijepim uspomenama na preduzeće i kolege tokom svih decenija rada. Navela je da najviše vremena tokom penzionerskih dana provodi sa svojom unukom.



Kao mehaničar u Rudniku od 1979. godine radio je i Zuhdija Nurković, koji poslije rata prelazi u vozni park, gdje ostaje do penzije. Dobitnik je ovogodišnjeg priznanja za doprinos u radu i razvoju Rudnika. Ističe kako je ponosan na svoj posao a posebno na svoje komorate, koji su svojim trudom i dugogodišnjim radom doprinjeli da Rudnik bude ono što danas jeste. Posebne riječi hvale uputio je menadžmentu Rudnika i poručio onima koji ostaju trebaju čuvati Rudnik kao zjenicu oka.



PRIJEM PORODICA ŠEHIDA I POGINULIH RADNIKA RUDNIKA

**ODATA POČAST ŠEHIDIMA OPĆINE BANOVIĆI**

U okviru obilježavanja Dana rudara BiH upriličen je prijem za 76 porodica šehida i poginulih boraca rudnika „Banovići“ čiji su muževi, očevi i djeca dali živote za odbranu grada.

Prije samog prijema predstavnici Rudnika zajedno sa porodicama šehida položili su cvijeće na Centralnom spomen-obilježju. Tom prilikom predstavnik Rudnika Emir Rahmanović obratio se prisutnima istaknuvši da je naša dužnost i obaveza na dostojanstven način prisjećati se stradalih, te se iskreno zahvalio porodicama što se svake godine odazovu njihovom pozivu.

Rudnik „Banovići“ jedan je od pozitivnih primjera dobre saradnje sa porodicama, jer se svih ovih godina posebna pažnja obraća na ovu populaciju posebno kada su u pitanju zapošljavanja i stipendiranja djece.

Međusobno uvažavanje i podrška Rudnika i porodica šehida traje godinama, što su u svom obraćanju istakli i članovi porodica.

Kenan Demirović ostao je bez oca kada je imao samo devet mjeseci, rastao je sa majkom i starijim bratom. Očeva zaštita mu je nedostajala, što je bilo nemoguće nadoknaditi. Ipak, neizmjereno je zahvalan što neko brine o njima. Menadžment Rudnika mu je prije nekoliko godina osigurao posao, i bolju egzistenciju za njegovu porodicu.

Prijemu je prisustvovala i Šuhra Ajšić, predsjednica Udruženja porodica šehida i poginulih boraca općine Banovići.

- Zahvalila bi se rukovodstvu Rudnika koji ne dozvoljava da naša djeca ostanu napuštena, osiguravaju nam ono što nijedna općina u Federaciji ne radi. Stambeno su zbrinuli nekoliko porodica, stipendiraju i zapošljavaju djecu šehida, njih je na birou za zapošljavanje sve manje. Neizmjereno im hvala što imaju razumijevanja kada su u pitanju naše porodice, kazala je Šuhra.

Porodicama je kao i svake godine uručena jednokratna novčana pomoć u iznosu od 50 KM.



OTVOREN SPOMENIK ŠEHIDIMA „PODZEMNE EKSPLOATACIJE UGLJA“

**NIJEMI PODSJETNIK NA STRADALE RADNIKE**

Nakon višemjesečnih radova na izgradnji i uređenju 20. decembra otvoren je spomenik šehidima "podzemne eksploatacije uglja". Otvorenju su prisustvovali predstavnici Rudnika, Sindikata, porodica šehida i komorata, a vrpcom presjekli direktor Rudnika dr. Munever Čerčić i predsjednik samostalnog Sindikata rudara FBiH dr. Safer Mušanović.

- Odajemo počast za 27 rudara koji su hrabro krenuli u odbranu zemlje i na tom putu izgubili živote. To im nikada ne smijemo zaboraviti. Svakodnevno su u našem sjećanju a njihovim porodicama, nastojimo se odužiti i na mnoge druge načine, kazao je Mušanović.

Rudnik je za izgradnju spomenika izdvojio oko 6.000 KM, dok je iz kase Sindikata rudara izdvojeno oko 1.200 KM. Međutim, nemjerljiv doprinos dali su i radnici Rudnika na čelu sa Samirom Rahmanovićem koji su u izgradnji spomenika učestvovali od samog početka.

Adem Brcaninović, član Sindikata rudnika i uposlenik Rudnika podzemne eksploatacije jedan je od najzaslužnijih za izgradnju spomenika. Zahvalan je svim sudionicima projekta, a već na proljeće najavljuje i nove radove na estetskom uređenju prostora oko spomenika.



IZLOŽBA FOTOGRAFIJA AMIRA BAJRIĆA

# LICA HEROJA 300 METARA POD ZEMLJOM


Za rudare i njihov poziv ispričane su i ispisane mnoge priče, većina njih je šaljivog tona jer su rudari poznati kao ljudi vedrog duha. Međutim, ovaj specifičan poziv i nije za svakoga, neizvjestan je i usko vezan za opasnost. Samo dijelić radne atmosfere 300 metara pod zemljom ovih dana bio je prikazan na zidovima Radničkog doma.

Amir Bajrić poznati banovički fotograf u saradnji sa Sindikatom Rudnika 05. decembra otvorio je izložbu portreta rudara jame „Omazići“ i tako upotpunio prazničnu rudarsku atmosferu.

Građani su sve do 21. decembra imali priliku vidjeti jedan od značajnijih i emotivnijih radova ovog

fotografa. Obzirom da je i Amir rudar u rudniku „Banovići“ imao je priliku trajno zabilježiti i sačuvati portrete banovičkih komorata. Na jedinstven način prikazao je živote ljudi koji obavljaju jedan od najtežih poslova današnjice. Umorna i garava lica ukrašena osmjehom glavni su motiv njegovog poduhvata.

Za banovićane decembar je poseban mjesec kada se na različite načine odaju priznanja rudarima. Izložba je bila samo mali doprinos, simbolična čestitka rudarima koji na dostojanstven način zarađuju hljeb sa sedam kora.



# NAKON OSAM GODINA PRELAZNI PEHAR U POGONU „ŽELJEZNIČKI TRANSPORT“

U duhu obilježavanja 21. decembra Dana rudara FBiH održana su sportska takmičenja između pogona rudnika „Banovići“. Obzirom da nas ekipa Rudnika skoro svake godine obraduje prvim mjestom na tradicionalnoj „Rudarijadi“ kada se snage odmjeravaju između rudnika sa područja FBiH, decembar je mjesec odigravanja sportskih takmičenja između pogonskih jedinica Rudnika. Sportske discipline su odavno poznate, ekipe se takmiče u malom nogometu, povlačenju konopca, stonom tenisu, šahu i kuglanju.

Takmičenje je proteklo u fer i korektnom nadmetanju, a tribine sportske dvorane dobrim dijelom su bile ispunjene.

Najveće iznenađenje ovogodišnjih igara bila je ekipa „Željezničkog transporta“ koja nakon osam godina na police svojih vitrina vraća prelazni pehar. Drugo mjesto u ukupnom poretku pripalo je „Separaciji“, dok je na trećem mjestu završila prošlogodišnja pobjednička ekipa „Površinske eksploatacije uglja“.

Kada je u pitanju povlačenje konopca ekipa „Podzemne eksploatacije uglja“ ponovo je osigurala prvo mjesto. Iako su dali svoj maksimum konopaši „Površinske eksploatacije uglja“ završili su na drugom mjestu, dok je treća pozicija pripala momcima „Željezničkog transporta“.

U jednoj od najpopularnijih disciplina, malom nogometu, pobijedila je ekipa „Separacije“, dok je nešto manje sreće imala ekipa „Direkcije“, zauzevši drugo mjesto. Treće mjesto pripalo je ekipi „Površinske eksploatacije uglja“.



U stonom tenisu poredak je bio slijedeći: „Površinska eksploatacija uglja“, „Direkcija“, „Željeznički transport“. Šahisti „Željezničkog transporta“ osvojili su prvo mjesto, dok je ekipa „Direkcije“ druga, a „Separacija“ treća.

Nakon završetka takmičenja u kuglanju prvo mjesto pripalo je ekipi „Željezničkog transporta“, drugo „Separaciji“ a treće „Društvenom standardu“.

Na kraju su izabrani i najbolji pojedinci svih disciplina. Za najboljeg pojedinca u malom nogometu izabran je Kavazović Zehrudin, za najboljeg strijelca Eldin Softić, a za najboljeg golmana Šerbedžić Mirzet.

Najbolji konopaš je Turić Nermin, dok je najbolji šahista Trumić Enes. Prvi stonotenisač ove godine je Kuranović Amir, a kuglaš Medarić Senad.

RUDAR informativna novina radnika  
RMU "Banovići" d.d. Banovići



www.rmub.ba

Uređuje redakcioni odbor:

Samir Numanović, predsjednik  
Amela Kantić, urednica  
Melisa Čaušević, novinar- saradnik  
Fertik Glibanović  
Amir Halilčević  
Salko Gutić  
Šehval Lapandić

DTP i štampa: "OFF SET" Tuzla

Riješenjem Republičkog komiteta  
za informacije broj 04-651-537/77  
od 6.9.1977.

List je uveden u Registar štampe R BiH.

E-mail: kontakt@rumb.ba  
nadzorni.odbor@rumb.ba



JU "Dječije obdanište"  
Banovići



ODGOJ  
I NJEGA  
DJETETA

## Želimo da Vam uputimo riječi divljenja i zahvalnosti!

«Svako zanimanje je časno, ali Vaše zaslužuje uvažavanje i priznanje. Znamo kako su teški uslovi u kojima radite, koliko hrabrosti i truda ulažete i koliko je Vaš rad važan za naše Banoviće, državu i privredu. Uz rudarski pozdrav SRETNO!, svim rudarima koji se bave najtežim poslom na svijetu, koji svakodnevno rizikuju živote, želimo srećan praznik i mnogo uspjeha u radu.

## Djeca i uposleni predškolske ustanove Banovići!



RUDAR  
RUDAR IZ NOĆI  
U NOĆ IDE.  
RUDARI SAMO NEDELOM  
SUNCE VIDE. OZBILNI  
U MRAKU POD ZEMLJOM  
BITKE BIJU DA TEBE  
OGRIJU, DA TE  
NASMIJU.

SRETNO!

LAMIJA SEUMA EMIR R  
AMAR NINA AZUR  
OMER DŽANA AHMED  
HARIS SANJIN M. FARIS  
DŽENAN SANJIN K. FARUK  
JASKO DŽEVAN J. FARUK  
AHMED H. Ahmed Z. ARMIU  
VEDAD NAIM SEID  
ILMA NEDIM, ADEL  
BELMA HARIS S. DŽANA  
Sara MUHAMED ESMA  
AZUR MUHAMED ESMA  
EMIR M. ADELINA  
ARRA EMA DŽANA  
NAIDA EMIL LAMIJA  
SANJIN MEŠANOVIĆ NINA  
SABINA ASJA SARA EMIR

SRETAN DAN  
RUDARA  
21. DECEMBAR

